

Qeqqata Kommuniani kommunip susassaqrifiini aqutsinermut ileqqoreqqusat

Kommunalbestyrelsi

§ 1. Kommunalbestyrelse 15-inik ilaasortaqrpoq.

Imm. 2. Kommunalbestyrelsi inatsisartut inatsisaani nr. 29 17. november 2017-meersumi § 6, imm. 4 naapertorlugu (matuma kingorna aqutsinermut inatsimmik taaneqartartoq) ilaasortami akornanni borgmesterimik, borgmesterip tullissaanik siullermik borgmesterillu tulliaata aappasaanik toqqaassaaq.

§ 2. Piareersarnermut, ataatsimiigiaqqusinermut kommunalbestyrelsillu ataatsimiisinneqarnerinut malittarisassat kommunalbestyrelsip suleriaasiani aamma aalajangersarneqarput, taamaaliortoqartarporlu aqutsinermut inatsimmi § 1 imm. 3 aamma kapitali 2 naapertorlugit.

§ 3. Kommunalbestyrelsip ataatsimiinneranut atatillugu borgmesterip suliassanut malittarisassat suleriaatsimi aalajangersagaapput, taamaaliortoqassaarlu aqutsinermut inatsimmi kapitali 3-mi allassimasut naapertorlugit.

Borgmesteri

§ 4. Kommunalbestyrelsip ataatsimiittanerinut atatillugu Borgmesterip suliassai Suleriaatsimi aalajangersarneqassapput, kommunit aqunneqarneri pillugit Inatsisartut inatsisaani nr. 29, 17 november 2017-meersumi, kapitali 3 naapertorlugit.

§ 5. Aqutsinermut inatsimmi § 19-imi kommunip allaffissornikkut ingerlatsinerani allassimasuni, Borgmesteri qulliusutut ingerlatsivinnik isumaginnittuussaaq.

§ 6. Suliani ataatsimiititaliap aalajangersimasup oqartussaaffigisaanut tunngasuni, kommunalbestyrelsip suliami aalajangiinnginnerani oqaaseqaatit ataatsimiititaliamit pissarsiarineqarsimanissaat borgmesterip isumagisassavaa.

§ 7. Suliat naammassineqartarnissaat borgmesterip isumagisassavaa, tassungalu ilanngullugu suliat pisariaqanngitsunik kinguaattuunnginnissaat nakkutigissavaa, pisariaqarfiatigullu tamatumunnga maleruagassiorsinnaalluni. Borgmesteri ataatsimiititani sulisorisaniillu suliat pillugit paasissutissanik sunilluunniit taakku oqartussaaffigisaannik paasiniaallunilu suliat qanoq isumagineqarnerat pillugu paasissutissanik pissarsiniarsinnaavoq.

§ 8. Aningaasaliiffigineqanngitsunik aningaasartuutinik imaluunniit isertitanik ingerlatsisoqannginnissaa aammalu Nakkutilliisoqarfiup kiisalu Qeqqata Kommunianut karseqarnermut naatsorsuuserinermullu maleruagassat naapertorlugit aningaasartuutit isertitallu naatsorsuutinut ilanngunneqartarnissaat, Borgmesterip isumagisassavaa. Aningaasanik atuineq aningaasaliissutaariinngitsunik tunngaveqartoq borgmesterip paasippagu, taava apeqqut tassunga attuumassutilik Aningaasaqarnermut Ataatsimiititaq aqqutigalugu Kommunalbestyrelsimi saqqummiunneqassaaq.

**Ataatsimiititalianik pilersitsineq aamma taakkua sulinerminni naliginnaasumik
malittarisassaasat il.il..**

Aningaasaqarnermut Ataatsimiititaliaq

Aqutsinermut inatsimmi § 9 naapertorlugu aningaasaqarnermut ataatsimiititaliaq pilersinneqassaaq:
§ 9. Aqutsinermut inatsimmi § 24 naapertorlugu aningaasaqarnermut ataatsimiititaliaq pilersinneqassaaq.

Imm. 2. Aningaasaqarnermut ataatsimiititaliami ilaasortaapput borgmesteri, ataatsimiititaliami siulittaasuusoq, kiisalu kommunalbestyrelsimi ilaasortat sisamat.

Imm. 3. Aningaasaqarnermut ataatsimiititaliaq aqutsinermut inatsimmi § 25-imi, kapitali 6-imilu allassimasut naapertorlugit suliassat suliassarai.

Imm. 4. Aningaasaqarnermut ataatsimiititaliaq Inuussutissarsiornermut, Takornariaqarnermut allaffissornermullu (atuiffik 1), nunaqarfiit aningaasat atorsinnaasaat (atuiffik 18-20), isertitat erniallu (atuiffik 8), Inuussutissarsiornermut immikkoortorta q kiisalu Takornariaqarneq (atuiffik 37) ingerlatsinerinik isumaginnittuovoq, tassunga ilaallutik:

- Kommunip iluani suliassaqaqarfinni tamani aningaasaqarnikkut allaffissorinnikkullu ingerlatsinerimi nakkutilliineq. Suliani taakkunani aningaasaqarnermut ataatsimiititaliaq oqaaseqaataa piumaneqartassaaq, suliap kommunalbestyrelsimut aalajangiiffigisassanngorlugu saqqummiunneqannginnerani.
- Akissarsianut sulisoqarnermullu tunngasuni suliassanik tamakkiisumik isumaginninneq, tassunga ilaallutik kommunimi sulisorisanik atorfinittisarneq soraarsittisarnerlu, taamaallaat kommunimi pisortaanermik atorfinittisarneq soraarsittisarnerlu pinnagit.
- Suliap kommunip aningaasaqarneranut naatsorsuuserineranullu attuumassuteqartut isumaginissaat.
- Aningaasaqarnikkut pilersaarusernermi tunngaviusussanik periusissiornerup suliarineqarnerata isumaginissaa, tassaasoq ataatsimiititaliaq ataavartut kommunalbestyrelsimut inassuteqartarneranni pituttuisut.
- Aningaasaqarnermut Ataatsimiititaliaq isumagissavaa ataqatigiissaassalluguluunniit kommunip immikkoortunut pilersaarusernera, ataatsimut atornerqartussanik pilersaarusernermut maleruagassiornermigut paasissutissallu qanoq annertussuseqarnissaannut aalajangersaanermigut.
- Inuussutissarsiorneq, *tassunga ilaalluni Arctic Circle Traffic-imut suliniut*
- Takornarialerineq
- Nutaaliorneq
- (Arctic Circle Business)

Imm. 5. Aningaasaqarnermut ataatsimiititaliaq kommunalbestyrelsimut tulliuuttutigit siunnersuuserlunilu innersuussuteqassaaq

- pingaarnertut kommunip pilersaaruserfigineqarnera, aamma
- Nuna tamakkerlugu pilersaarusernermut kommunip ilanngussai

Imm. 6. Aningaasaqarnermut ataatsimiititaliaq nammineq suleriaasissani aalajangersassavaa.

Imm. 7. Sulisoqarnermut, inuussutissarsiornermut takornariaqarnermullu periusissianik, politikkinik pilersaarutinillu, Aningaasaqarnermut ataatsimiititaliaq kommunalbestyrelsimut siunnersuuserlunilu innersuussuteqartassaaq.

Imm. 8. Kommunit Namminersorlutik Oqartussanit suliassatigut tigusassatigut imminnermut tunngasutigut, matumani ineriartortitsinissamik pilersaarutit ilanngullugit aningaasaqarnermut ataatsimiititaliaq kommunalbestyrelsimut siunnersuusiussaaq innersuussuteqarlunilu.

Imm. 9. Suliaq sunaluunniit, kommunip aningaasaqarneranut, allaffissorneranut pilersaarusiornellanuunniit attuumassuteqartoq aamma ataqatigiissaarinnermut attuumassuteqartoq, kommunalbestyrelsimut saqqummiunneqartigani, aningaasaqarnermut ataatsimiititaliamut saqqummiunneqaqqaartartussaavoq.

Ataatsimiititaliat ataavartut

§ 10. Ataatsimiititaliat ataavartut makku pilersinneqassapput:

1. Teknikkeqarnermut ataatsimiititaliaq, tallimanik ilaasortaqaartoq.
2. Ilinniartitaanermut ataatsimiititaliaq, tallimanik ilaasortaqaartoq.
3. Atugarissaarnermut ataatsimiititaliaq, tallimanik ilaasortaqaartoq.

Imm. 2. Aqutsinnermut inatsimmi § 27 imm. 1 naapertorlugu ataatsimiititaliat namminneq siulittaasussartik toqqassavaat.

Imm. 3. Aqutsinnermut inatsimmi § 28 imm. 2 naapertorlugu, ataatsimiititaliaq suleriaasissaminik nammineq aalajangersaassaaq.

Imm. 4. Ataatsimiititaliap ataatsimiinnerini tamani aalajangiineq pillugu imaqarniliortoqartassaaq imaqarniliarlu ataatsimiinnerup naanerani ilaasortanit atsiorneqartassalluni. Ilaasortap isummaminut imaqarniliami allassimasunit nikingasoqarsorigaangamiuk isummani imaqarniliamut allaqqusinnaavaa aamma suli ataqartussaqarfimmu allamut nassiunneqarnissaannik ataatsimiititaliaq piumasaqaateqarsimagaangat imaqarniliami tamanna nalunaarsorneqartassaaq.

Imm. 5. Ataatsimiititaliat Kommunalbestyrelsip ukiumoortumik missingersuutitigut akuersissutigisai naapertorlugit, suliassaqarfittut akisussaaffigisaminni isumaginnissapput. Aningaasaliissutissat akuerineqartut atuinnermit nikingassuteqannginnissaat nakkutigissavaat aamma aningaasaliisoqarnissaanik kissaateqarunik imaluunniit pisariaqartitsigunik Aningaasaqarnermut ataatsimiititaliaq aqqutigalugu Kommunalbestyrelsimut inassuteqaasiortassapput.

Imm. 6. Iliuusissanik ataatsimiititaliamut allamut pingaarutilinnik aallartitsinnginnermi, ataatsimiititaliaq ataatsimiititaliamik pineqartumik, pisariaqartillugu borgmesterip peqataatinnegarfigisaanik, aqutsineq pillugu inatsimmi § 29 naapertorlugu, isumaqatigiinniutegassaaq.

§ 11. Teknikkeqarnermut ataatsimiititaliaq Avatangiisit, Aatsitassat, Aalisarnek Piniarnerlu iluini immikkoortunik, teknikkimut tunngasut (atuiffik 2), pilersuineq (atuiffik 6) aamma sanaartornermut immikkoortortaq (atuiffik 7), ingerlatsinermik isumaginnissaaq, tassunga ilaallutik

- Sanaartorneq inissianullu tunngasut
- Angallanneq (immakkut, silaannakkut aqqusinikkullu)
- Innaallagissamik, imermik kiassarnermullu pilersuineq
- Illoqarfinnut nunaqarfinnullu pilersaarutit
- Nunaminertanik sanaartorfigissaanermullu tunngasut
- Kuuffissuit
- Ikuallaavik
- Sannavik
- upalungaarsimaneq
- Kangerlussuarmut aqqusineq

- Aatsitassarsiorneq
- avatangiisit
- Qimmiliviit
- Uumasupilunnik nungusaaneq
- Aalisarneq piniarnerlu
- kalaalimineerniarfiit
- Piniarnermut allagartat
- aalisarneq piniarnerlu pillugit akuersissutinik pisassiissutinilli agguaneq
- Umiarsualiveqarnermut siunnersuisooqatigiit

Imm. 2. Ataatsimiititaliaq aningaasaqarnermut ataatsimiititaliamut kommunalbestyrelsimullu tulliuuttugit siunnersuisiorlunilu innersuussuteqassaaq

- Kommunimi sukumiisumik pilersaarussiaq
- Kommunip sanaartortitassatut pilersaarutai
- siuliani suliassat pillugit alliliinissamut pilersaarutit il.il.

Imm. 3. Ataatsimiititaliaq kommunit Namminersorlutik Oqartussanit suliassatigut tigusassatigut immiinnermut tunngasutigut, matumani ineriartortitsinissamik pilersaarutit ilanngullugit aningaasaqarnermut ataatsimiititaliamut kommunalbestyrelsimullu siunnersuisiussaaq innersuussuteqarlunilu.

§ 12. Atugarissaarnermut ataatsimiititaliaq ilaqtariinnermut immikkoortortanut (atuiffik 4) tunngasunik ingerlatsinernik isumaginnissaaq, tassunga ilaallutik

- Meeqqanut inuusuttunullu ikiorsiiniutit
- Pisortanit ikiorsiissutit
- utoqqarnik isumassuineq – Utoqqaat angerlarsimaffii, utoqqarnut inissiat
- siusinaartumik pensionisiat
- innarluutillit puigortunngortullu – najugaqaqatigiiffiit, innarluutilinnut inissiat, sannaviit illersugaasut
- pinaveersaartitsineq
- Ilaqtariinnut sullisiviit
- Qimarnguiit
- peqqinnissaaq
- meeqqanut akilersuutit isumaginninnikkullu ikiorsiissutit allat – meeqqanut akilersuutit atuiffinnit/art-init sorlerniissanersut ersarissarneqassaaq

Imm. 2. Ataatsimiititaliaq isumaginninnermut, suliffissaqartitsiniarnermut peqqinnissamullu periusissianik, politikkinik pitsanngorsaanissamullu pilersaarutinik, aningaasaqarnermut ataatsimiititaliamut kommunalbestyrelsimullu siunnersuisiorlunilu innersuusiortassaaq.

Imm. 3. Ataatsimiititaliaq kommunit Namminersorlutik Oqartussanit suliassatigut tigusassatigut immiinnermut tunngasutigut, matumani ineriartortitsinissamik pilersaarutit ilanngullugit aningaasaqarnermut ataatsimiititaliamut kommunalbestyrelsimullu siunnersuisiussaaq innersuussuteqarlunilu.

§ 13. Ilinniartitaanermut ataatsimiititaliaq Ilinniartitaanermut, Sunngiffimmut sammisanut Kultureqarnermullu (atuiffik 5, atuiffik 33, atuiffik 34, atuiffik 35 kiisalu 38) tunngasunut ingerlatsinermik isumaginnissaaq, tassunga ilaallutik

- atuarfeqarneq ilinniartitaanerlu
- meeqqanut meeqqeriviit sunngiffimmilu ornittakkat
- inuusuttunut klubbit
- timersorneq (illup iluani silamilu)
- kultureqarnermut tunngasut
- sunngiffimmi sammisassat periarfissallu
- peqatigiiffiit
- katersugaasiviit atuagaateqarnerlu
- nipilersornermik ilinniarfiit
- Majoriaq (Suliffissarsiuussisarfik, suliffissaaleqisut piginnaanngorsarnerlu ilanngullugit)
- Suliffeqanngikkallarnermi ikiorsiissutit

Imm. 2. Kommunimi atuarfinnut atuartitsinissamut pilersaarutit pillugit aningaasaqarnermut ataatsimiititaliamut kommunalbestyrelsimullu siunnersuutininik innersuussutinillu ataatsimiititaliaq suliaqartarpoq, kiisalu immikkoortut qulaani pineqartuni periusissiasanik, politikkinik annertusaanissarlu pillugit aningaasaqarnermut ataatsimiititaliamut kommunalbestyrelsimullu siunnersuusiortarlunilu innersuussuteqartarpoq.

Imm. 3. Ataatsimiititaliaq kommunit Namminersorlutik Oqartussanit suliassatigut tigusassatigut imminermut tunngasutigut, matumani ineriartortitsinissamik pilersaarutit ilanngullugit aningaasaqarnermut ataatsimiititaliamut kommunalbestyrelsimullu siunnersuussiusaaq innersuussuteqarlunilu.

Nunaqarfinni aqutsisut

§ 14. Ataatsimoorussamik nunaqarfinni aqutsisut Itilleq aamma Sarfannguit tallimanik ilaasorta qarpoq. Ataatsimoorussamik nunaqarfinni aqutsisut Atammik aamma Napasoq tallimanik ilaasorta qarpoq. Kangaamiuni nunaqarfinni aqutsisut pingasunik ilaasorta qarpoq. Kangerlussuarmi nunaqarfinni aqutsisut pingasunik ilaasorta qarpoq.

Imm. 2. Aqutsinermut inatsimmi § 41 imm. 2 naapertorlugu, nunaqarfinni aqutsisut namminneq siulittaasussartik toqqartassavaat.

Imm. 3. Kommunilbestyrelsip kommunimi nunaqarfiit suleriaasissaat aalajangersartarpaa, nunaqarfinni aqutsisut ataasiakkaat tusarniaaffigereerlugit. aqutsinermut inatsimmi § 42, imm. 1 naapertorlugu.

§ 15. Nunaqarfinnik aqutsisut piareersartarneri, ataatsimiigiaqqusisarneri ataatsimiittarnerilu pillugit malittarisassat, nunaqarfinnik aqutsisuni siulittaasup suliassai ilanngullugit, nunaqarfinnik aqutsisut suleriaasianni aalajangersarneqarput, aqutsinermut inatsimmi §§ 42-mit 46-mut allassimasut takukkit.

§ 16. Kommunilbestyrelsip missingersuutitut akuerisaasa iluini aningaasaliissutaasut aqunneqartassapput aamma kommunilbestyrelsip malittarisassatut akuerisai naapertorlugit ingerlatsisoqartassalluni.

§ 17. Kommunilbestyrelsip nunaqarfinnik aqutsisut suliaqarfiinik ingerlatsineri nakkutigissavai.

Najukkami ataatsimiititaliat

§ 18. § 32 imm. 1-5 naapertorlugit najukkami ataatsimiititaliat tullinnguuttut pilersinneqassapput

- Sisimiuni Najukkami ataatsimiititaliaq arfineq-marlunnik ilaasortaartoq.
- Maniitsumi Najukkami ataatsimiititaliaq tallimanik ilaasortaartoq.

Imm. 2. Kommunalbestyrelsi najukkami ataatsimiititalianut qinersinissaq pillugu maleruagassiussaaq, aamma aalajangissavaa qanoq annertutigisumik peqatigiiffiit, matumanilu politikkikkut partiit aamma kattusseqatigiit imaluunniit allat qanoq aalajangiitigisinnaassanersut, najukkami ataatsimiititaliamut ilaasortassatut kikkut qiningassanngortissallugit imaluunniit kikkut najukkami ataatsimiititaliap ataatsimiinneranut alaatsinaattutut peqataasinnaassanersut innersuutissallugit.

Imm. 3. Najukkani ataatsimiititaliat kommunalbestyrelsip suliakkiineratigut aalajangersimasunik suliaqartarsinnaapput.

Imm. 4. Kommunalbestyrelsi aningaasanik atugassanngortitsissaaq najukkani ataatsimiititaliat atorsinnaasaannik. Aningaasat tamanik tusarniaanernut, kultureqarnermut, timersornermut imaluunniit inuiaqatigiinni sulissutigineqartunut atorineqartassapput.

Imm. 5. Najukkani ataatsimiititaliat kommunalbestyrelsimut, aningaasaqarnermut ataatsimiititaliamut imaluunniit ataatsimiititalianut ataavartunut siunnersuisartuusinnaapput.

Aningaasarsiat il.il.

§ 19. Borgmesteriunermut, borgmesterip tulliuunermut, Kommunalbestyrelsimi ilaasortaanermut, nunaqarfimmi aqutsisuni ilaasortaanermut, ataatsimiititaliami siulittaasuunermut, nunaqarfimmi aqutsisunut siulittaasuunermut ajunngitsorsiaqartitsineq, aqutsineq pillugu inatsimmi kapitali 7-imi aalajangersakkat naapertorlugit Kommunalbestyrelsimit najoqqutassiani aalajangersarneqartassaaq.


§ 20. Aqutsinermut inatsimmi § 46 imm. 1 naapertorlugu, § 56 imm. 6 takukkit, nunaqarfimmi aqutsisuni siulittaasuunermut, nunaqarfimmi aqutsisuni ilaasortaanermut ajunngitsorsiasat aalajangersarneqarput.

Ileqqoreqqusamik atuutilersitsineq allannguutillu

§ 21. Ileqqoreqqusaq manna 2019-imi septembarip 26-ani aappassaaneereerluni atuutilerpoq.

§ 22. Ileqqoreqqusami uani allannguutissatut siunnersuutit aamma ileqqoreqqusap ilassutissartai kommunalbestyrelsi marloriarluni ataatsimiinnerini suliarineqartassapput sivikinnerpaamik ullunik 14-inik akunneqarlutik, aqutsinermut inatsimmi § 1 imm. 2 naapertorlugu. Allannguutissatut ilassutissatullu akuersissutigineqartut Naalakkersuisunut nassiunneqartassapput, aqutsinermut inatsimmi § 1 imm. 4 takuuk.

Taamaalilluni kommunalbestyrelsimit 2019-imi aggustip 27-ani siullermeereerreqareerluni, 2019-imi septembarip 26-ani aappassaaneerreqareerluni inaarutaasumik akuersissutigineqarpoq.



Malik Berthelsen
Borgmesteri